

# Kontuola

ANTZUOLA / Egubakoitza / 2002ko urriaren 11 / 129. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

## Hasi da erretiratuen Hamabostaldi Kulturala

AINTZANE IRIZAR

Urriaren 8an (martitzena), hasi zen Bergarako eta Antzuolako erretiratuen elkarteek antolatutako Hamabostaldi Kulturala. Urriaren 26ra arte hainbat ekitaldi egongo dira. Besteak beste, Antzuolako auzoetan barrena ibilaldia egingo dute urriaren 16an.

Hamabostaldi Kulturalaren barruan, hainbat ekitaldi antolatu dituzte Antzuolako eta Bergarako erretiratuen elkarteek. Aurten seigarren aldiz antolatu dute hamabostaldi hori.

Urtero gai jakin baten gaineko berbaldi, mahai-inguru eta bestelako ekitaldiak antolatzen dituzte erretiratuek; aurten, osasun integrala izango dute hamabostaldiko ardatz. Horren gainean arituko dira hamabost egun hauetan hainbat mediku, soziologo eta psikiatra, egitarauan ikus daitekeen moduan.

### HAINBAT LEHIAKETA

Beste urteetan moduan, aurten ere hainbat lehiaketa antolatu dituzte hamabostaldiaren barruan. Alde batetik, hamabostaldiko azala ilustratzeko Kartel Lehiaketa antolatu zuten, eta Elisabet Eguren irabazi zuen. Argazki Lehiaketari dagokionez, berriz, Agustin Gurrutxagak irabazi zuen zuri-beltzeko atalean eta Jose Antonio Arenazak koloretakoan. Joan den egubakoitzean egin zuten sari banaketa ekitaldia, San Joxepe elkartearen.

### IBILALDIA ANTZUOLAN

Esan bezala, Hamabostaldi Kulturalaren barruan antolatutako ekitaldi gehienak Bergaran izango dira. Datorren eguaztanean, baina, hilaren 16an, Antzuolan mendi ibilaldia egingo dute herri bietako erretiratuek. 15:30ean Kalebarrenetik irtengo dira, eta Lizarraga auzotik eta Ugarte-Torre, Bizkalatza, Jauregi eta Ira eta baserrietatik igaro ondoren,

Uzarraga auzora abiatuko dira. Uzarragatik, azkenik, Antzuolako erdigunera itzuliko dira Arimenditik behera. Ibilaldia bukatutakoan, luncha egingo dute Antzuolako erretiratuen elkarteak Zurrategin duen egoitzan.

Azkenik, esan behar da datorren egubakoitzeko musika ekitaldira joan nahi dutenek San Joxepen dituztela salgai sarrerak, urriaren 15etik 18ra bitartean.

## Hamabostaldiko egitaraua

### URRIAK 11, EGUBAKOITZA

18:00: Kultura eta aisialdi jaialdia San Joxepe elkartearen.

### URRIAK 15, MARTITZENA

19:30: 'Osasun psikikoa: sasoiko bizitzea' izenburupean, hitzaldia egingo du Vicente Madoz mediku-psikiatraz, Miguel Altuna Institutuan.

### URRIAK 16, EGUAZTENA

15:30: Kalebarrenean abiatuta, Antzuolako auzoetatik ibilaldia egingo dute.

### URRIAK 17, EGUENA

19:30: 'Gizarte osasuntsu eta gaixo baten arteko aldea' izenburupean, hitzaldia egingo du Agustin-Ozamiz soziologoak, Miguel Altuna Institutuan.

### URRIAK 18, EGUBAKOITZA

22:00: Ariznoa gimnasia erritmiko taldearen erakustaldia eta Oñatiko Ganbara abesbatza eta Iruñeko jotarien emanaldia Bergarako Udal Pilotalekuan.

### URRIAK 22, MARTITZENA

19:30: 'Geure bizitza pozik bizi izatea' izenburupean, hitzaldia egingo du Jose Maria Setienek, Miguel Altuna Institutuan.

### URRIAK 24, EGUENA


19:30: Osasun integralaren gaineko mahai-ingurua Vicente Madozen, Agustin Ozamizen eta Jose Maria Setiennen eskutik, Miguel Altuna Institutuan.

### URRIAK 25, EGUBAKOITZA

19:00: Lehen eta bigarren hezkuntzetako ikasleendako, 'Bizi-ohitura osasungarriak' izenburupean antolatutako idazlan lehiaketako sari-banaketa ekitaldia egingo dute, Novedades aretoan. Jarraian, Barruti magoaren emanaldia izango dugu.

### URRIAK 26, ZAPATUA

12:30: Amaiera ekitaldia, Miguel Altuna Institutuan.  
14:30: Herri bazkaria, Zabalotegiko frontoian.



## Zebrabideak egin dituzte Sagastin

Sagasti kale berria itxura hartzen ari da poliki-poliki. Uztailan, herriko jaietarako, asfaltatu egin zuten. Aparkalekuak ere egokitu zituzten kalearen alde bietan. Aurreko astean, berriz, zebrabideak egin zituzten. Abiadura murrizteko erabiltzen diren oinezkoendako pasabideak egin dituzte, hain zuzen ere; alturadun zebrabideak dira. Gogoratu behar dugu kale barruko errepidea noranzko bakarrekoa izango dela laster, eta pentsa daiteke Sagastin zirkulazioa areagotu egingo dela./A.I.

## LABUR

### Abenduan argitaratuko dute Ramírezen 'Bizitza pasarteak Antzuolan' liburua

Antzuola Herria IV. Ikerketa Bekaren emaitza abenduan izango dugu esku artean. Iñigo Ramírez de Okariz historiagile antzuolarri eman zioten beka hori, eta *Bizitza pasarteak Antzuolan* liburua argitaratuko du. XX. mende hasiera ezkerreko industrializazioa etorri arteko antzuolarren pentsaera erlijioso, politiko eta soziala zelakoa zen aztertu du Iñigok liburu horretan.

# EGAÑA

Era guztietako arotz lanak

Tarima eta parketa jartzea  
Zoruen kutxilatze eta barnizatuak

Kalegoi 21, ANTZUOLA Tel.: 943 76 64 23

## AITZ-GARBI



taberna  
jatetxea

Pintxoak eta  
kazuelatxoak.  
Bazkariak eta afariak

Kalebarren 15. Tf. 943 78 70 51  
ANTZUOLA



Jose  
Gomez  
Abad

Errekalde 6, 4-B.  
Antzuola  
943 76 60 19  
943 76 60 43  
Faxa:  
943 76 60 19

INDUSTRI MANTENIMENDUA



ELKARRIZKETA

JON ARRETXE/IDAZLEA

“Istanbuletik Teheranera bizikletaz egin nuen bidaiia, Itsaso Beltzeko kostaldean zehar”

A.I.  
Datorren egunean, hilaren 17an, ‘Istanbuletik Teheranera’ izenburupean diapositiba emaldia egingo du Jon Arretxek, Olanan etxean, 19:00etan. Iaz bizikletaz egindako bidaiia hori kontatuko digu Jon Arretxek.

Istanbuletik Teheranera, nondik nora ibili zinen?

Istanbulen hasi eta Teheranera bizikletaz egin nuen bidaiia. Hainbat aukera daude ibilbide hori egiteko, eta nik Itsaso Beltzeko kostaldetik egin nuen bidaiia. Istanbuletik zuzenean kostaldera abiatu nintzen, eta, kilometro batzuk egin ostean, Turkiako barnealdera sartu nintzen; Kurdistan zeharkatu eta Iranen sartu nintzen, Teheranera.

Noiz egin zenuen bidaiia hori?

New Yorkeko atentatua izan zenetik hilabetera egin nuen bidaiia. Berez, nahiko bidaiia lasaia izango litzateke, baina garai hartan egitea suertatu zitzaidan. Ni



abiatu nintzen ez zegoen bate-re argi estatubatuarrek zeinen kontra egingo zuten, denetik entzuten zen: Iran edo Irak atakatu behar zutela, edo Afganistan... Gainera, ez nekien hango jendeak zelan hartuko zuen gerraren kontu hori. Hortaz, nahiko

beldurtuta joan nintzen; bidaiia bertan behera lagatzekotan ere egon nintzen une baten.

Dena dela, bidaiia egin zenuen. Zelan joan zitzaizun?

Ondo, oso ondo; niretako oso sorpresa atsegina izan zen jendearen harrera eta jarrera. Kon-

tuan hartu behar da han denak musulmanak direla, eta aurreiritzi ugari ditugu komunikabideen eraginez. Buruan sartu digute fanatiko hutsak direla, zoro hutsak... Baina nik ikusi nuen benetan zelakoak diren, jende jatorra, arduratsua eta irekia. Egueneko emanaldian zer ikusi ahal izango dugu?

Guztira, 150 bat diapositiba eramango ditut, eta denetik dago: batzuk aukeratu ditut politikak direlako, beste batzuk bidaiako anekdota edo ezagututako pertsonaiaren bat azaltzen delako... Diapositibak ikusi bitartean, azalpenak ematen joango naiz, eta jendeak parte hartzeko aukera ere izango du, nahi dituen galderak egin edo azalpenak eskatzeko. Hainbat bidaiia liburu dituzu idatziak. Proiektu berririk baduzu esku artean?

Bai; oraintxe azkeneko uki-tuak ematen ari naiz bidaiia honetxan ganean idatzi dudak liburuari. *Ekialdeko mamuak* izenburuarekin, azaroan emango dut argitarara.

HERRITARREN HITZA / Kontxi Laskurain · Dendaria

Antzuolako anbulatorioa?

Idazteko aukera eskaini zidatenetik pentsatzen egon naiz; lehenengo pentsatu nuen abuztuan irakurri nuen notizia bati buruz idaztea: “Errugabe bat Guantanamo”. Abdul, 25 urteko afgano eskizofreniko bat, nekazaria, amerikar militarrek preso eraman zuten Al-Quaedako terrorista zela pentsatuz, oinezko bati oihu egin ziolako. Bere errua: leku eta momentu desegoki baten egotea. Hori urtarrilaren 21ean gertatu zen. Bost hilabete geroago amerikarrek euren errua aitortu eta Abdul etxean dago 40 urteko gizon baten

iturarekin. Ez dakit garbi adierazten sentitu nuena eta burutik pasatu zitzaizkidanak; hortaz, bakoitzak atera ditzala bere konklusioak.

Baina hori ere oroimenean geratu zaigu, eta gaur zertaz idatzi? Ama bezala, seme-alaben heziketan aurkitzen ditugun zailtasunei buruz? Liburu-saltzaile eta irakurle bezala ikusten ditudanak,...? Ez, horiek beste batera-



“A ze ‘engorroa’ den anbulatorio horretara deitzea!”

ko lagako ditut. Oraingoan jendeak dendan komentatzen duen gai bati helduko diot, askoren ahotan eta aspalditik entzuten ari naizen kexa bat; herriko mediku edo praktikantearengana joateko txanda hartzeko Bergarara telefonoz deitu beharra, hain zuzen.

Badira sarri joan beharra izaten dutenak ere, eta a ze “engorroa” den anbulatorio horretara deitu beharra!

Pazientzia eta denbora galtzeko modua, askotan kosta egiten zaie eta telefonoa hartzea; gastu ekonomikoa ere bada.

Ez al dago hori egiteko modu egokiagorik? Antzuolan bertan txanda hartzeko modua egin edo ordu batzuk finkatu ia egunero joan behar dutenendako, edo aukera eduki hurrengo egunerako ordua bertan hartzeko, edo... Aztertu al dira aukera guztiak? Udaletxeari tokatuko zaio lan hau, ezta?

Baina badaukat Udala zoriontzeko arrazoi bat ere, yoga antolatzeagatik. A ze arrakasta izan duen, gainera!

KIROLA

PARTIDUAK

**FUTBOLA**  
Urriak 12  
16:30: Antzuola-Arrate (2. erregion.)

**PILOTA**  
Urriak 11 (Gipuzkoako Kluben arteko txapelketa)  
20:30: Olalde-Real Soc. (Paletaz nag.)

EMAITZAK

**FUTBOLA**  
Zumaiaiko B 1 Antzuola 0 (2. erreg.)  
Antzuola 5 Aretxab. B 2 (Gazteak)

**PILOTA**  
Gipuzkoako Kluben arteko txap.  
Olalde-Gure Txeru (gazteak) . . . . 3-22  
Olalde-Azkoitia (seniorrak) . . . . 22-20  
Zumaiaiko-Olalde (paletaz) . . . . 22-35

**LARREA**  
**TABERNA**  
Kalebarren 17  
ANTZUOLA

*Juan Cruz*  
**ARGAZKIAK**

**ZORIONAK!**

Irailaren 30eko argaki kameraren zozketan sarituak: Gorka Garitano eta Miren Karmele Iparragirre

EOS 3000  
28-80 zooma

Herriko plaza 4. Tel. 943 78 70 66. ANTZUOLA

**zabalo**  
IGELTSEROTZA

Jose Luis Zabalo

Birgaitzeak • Fatxadak  
Teilatuak  
Sukalde eta bainu gelak

Kalegoi 9, 1.a., ANTZUOLA.  
Tf. 943 76 60 89